

紹興府志卷之六十六

人物志二十六

列女三

蕭山縣已旌

國朝

吳馴妻蔡氏年十八而寡時萬歷十七年也母憐其苦諷之改適氏引刀自刺其臂泣曰若有他命吾頸視此耳一日同舍火起延及氏屋氏抱孤向天哀號湏臾風返火熄夫葬卽穿墳其旁以誓同穴守節五十六年

國朝雍正十年旌

大清一統志

紹興府志

卷之六十六

人物志廿六

一

徐在仁妻楊氏蕭之北鄉人也年十七歸徐徐故農家饒於財二十歲而夫病臨卒囑曰吾家不患饑寒若當爲我守氏曰君勿慮我卽有以報君也旣卒哭於舅姑前曰夫死無子女有叔在二老不患無依婦當從夫地下因拜且泣舅姑未意其必殉也旣殮之夜密縫衣履投池水死

池水死

採訪

陳六菰蕭山人家在白露塘南年十八未字有狂童挑之六菰怒罵去矚室無人復潛入六菰大呼震動隣人始驚逸六菰怒閉門自經死署蕭山令甘國璽洩其寃得

旌邑志

蔡氏四節曹氏蔡惟忠妻單氏惟孝妻魯氏惟廉妻王氏
惟節妻同胞妯娌也皆青年守志姑徐氏年六十餘兩
目皆盲貧不能延醫四氏寢食不離以次吮日後兩目
忽明撫子皆克家孫枝甚盛

邑志

鍾萬定妻田氏撫孤銓銓復早逝妻田氏與姑共撫遺孤
天呂比長娶陳氏天呂又亡家計中落皆勤紡績以供
甘旨一門三節乾隆元年旌

邑志

趙繼日妻黃氏撫遺孤守節至九十五歲當初寡時有欲
奪其志者氏不爲動事姑二十餘年至揭屋瓦以易升
斗而自甘饑餓不使姑知也

邑志

紹興府志

卷之六十六

人物志廿六

二

朱氏三節何氏朱正已妻撫遺孤大典娶媳吳氏結褵未
久典又病亡姑媳相依孫肇翰弱冠娶史氏未幾翰又
卒三世守貞

邑志

童學伊妻王氏事繼姑以孝聞子又天立從孫爲後與嫠
媳共撫之年八十餘而卒乾隆九年旌

邑志

來維邦妾陳氏維邦任韶州司獄卒於官陳年二十二遺
孤在襁褓尙逆之變欲歸不得撫遺孤相依爲命一日
炮轟震天火丸落臥內陳驚起幸藐孤得無恙後數年
扶櫬挈孤歸艱苦備嘗守節四十年乾隆九年旌

維邦來氏

譜作佳斌
此據邑志

陳至言妾王氏正室早逝側室汪生子師亮而亡至言病劇母蔡垂邁師亮甫週家無次丁又鮮族屬至言歿目不瞑氏慨然力任乃瞑後蔡母九十有四子師亮亦克成立乾隆十四年旌邑志

徐松妻陳氏贅陳甫五日卽遠館他鄉旋卒於館陳聞訃絕而復甦者三爲立嗣子又早亡遺孫尙在抱躬自鞠育備歷艱苦守節五十餘年邑志

朱氏三節朱元正妻周氏結褵彌月元正遊京師病卒氏親詣京扶櫬歸撫姪王璋爲嗣孫紹衣娶繼室丁氏年二十四紹衣亡撫遺孤世隆世隆娶王氏方兩月歿王

紹興府志

卷之六十六

人物志廿六
列女三

三

年二十遺腹生子萬化奉姑守節邑志

王氏會稽人前洪縣典史蕭山汪楷繼妻徐氏鄞人楷之側室也楷先娶方生二女納徐生一子輝祖方卒娶王楷爲吏廉負郭田皆爲弟模所鬻旋卒於廣州樞還徐以頭觸樞碎首血被面王曰若死吾不獨生以十一歲兒累老姑何以見夫子乃相率瘁十指治生雖病不輟每百錢留三十爲塾師費視釜中米不足給卽交託疾忍饑以食姑模之婦搆兩人于姑模復用無賴子言謂嫂故多藏率數輩時時噪而索錢樞戶壞墻從手中篡取其孤去撻之以責贖如是以爲常百方貸應之或勸

他徙不肯忍死守故庭久之模知其實貧也盡室他徙姑將從以往二人涕泣固留姑有所嗜必百計市以進起居扶掖惟二人是倚噫唾澣漱刻不離每疾作徐徹夜坐牀側聞呻吟前按摩之姑謂人曰吾不意兩人之事我賢孝至于此其後模子身來歸王仍善視之乾隆二十九年

詔旌雙節徐先卒輝祖成進士王亦卒徐擁敗絮被餘二十年輝祖屢請易之曰此我主所予堅不許病不肯服藥曰主死莫養於下吾不忍也王之及見旌門也愀然念族婦之苦節泯沒者命輝祖蒐訪得二十餘人上之當

紹興府志

卷之六十六

人物志廿六

四

事附主節孝祠

採訪

王修敬妻來氏夫卒子方週修敬有祖踰八旬母老孀居氏紡績市米作飯供太翁及孀姑而已日不過再粥姑詢之曰近有胃疾飯不下咽耳乾隆四十二年旌

採訪

童之璋妻富氏曉文義夫卒無子姑節婦王氏忿不欲生以頭觸柱將自引決氏急抱持之曰姑庇婦婦奉姑無子猶子也脫姑死婦何以生舅之嗣不終絕乎姑性褊急氏事之甚孝雖詬詈百出終無忤容立族子爲嗣身

自課讀乾隆四十二年旌

採訪

倪元彰妻蔡氏夫與姑相繼歿舅病亟割股以療夜則績

麻以伴侍湯藥者六年繼姪世友爲嗣乾隆五十一年

旌

採訪

盛士淳妻王氏生一子而寡茅屋數椽糧無斗貯或諷之改適氏唾其面曰吾不以貧故易操也終日紡績以自贍足不踰閭年饑族有好義者高其節負米五斗給之謝曰餓死固小事耳毋以是爲我累固辭不受

採訪

丁兆麟妻陸氏夫亡絕粒累日將以身殉舅姑勸之乃已越二十年姑亡又十年舅亡氏曰吾前之不死以舅姑二子故也今二子成立舅姑已逝吾得全吾素志矣視舅含殮畢一夕卒時年五十有六乾隆五十三年旌

採訪

紹興府志

卷之六十六

人物志廿六

五

徐彰吉妻趙氏青年飲藥撫育遺孤乾隆庚寅蕭山潮溢氏居近海溺于水其子克敬號眺徧覓不得泣訴父墓則母屍在焉墓去家二十餘里且非水蹟所到亦異事也

採訪

徐士明妻盛氏遺二子家貧如洗其母憐而諷之去不可卽饑寒交迫卒不向母丐一錢撫孤皆成立

採訪

王大宗妻俞氏年十九夫卒無子姑病弱在牀累積銖黍爲小姑叔婚嫁費及叔生子卽繼爲夫嗣乾隆五十四

年旌

採訪

蕭山縣

旌

許王氏蕭山國學生許某妻早寡丙戌六月避兵攜女匿江岸蘆葦中曰五六徙女泣曰如此圖生不如一死氏抱之慟共赴水死

越殉義錄

於氏蕭山黃奇英妻丙戌六月避難甫出門羣騎雜沓至氏曰行亦死留亦死母寧死此乃投水死

越殉義錄

蕭山翁氏二女長年十六字汪某次年十四未字丙戌六月被掠至朱墅橋並赴水死

越殉義錄

案翁氏又有投井死者陸曾煜哭以詩

張氏來象乾妻年十九丙戌妯娌約同舟避兵氏獨不欲去曰夜夢殊惡恐終不免也強而後可至張家村遇遊兵懼見辱遂自舟中躍出沉于河又有來今秀妻孫氏

紹興府志

卷之六十六

人物志廿六

六

來樂生妻謝氏挾其十三歲幼女咸赴水死

來氏譜

方氏來洪勲繼妻丙戌歲于湘湖遇寇投水死屍獨偃時男婦死者數十百人其夫覓之不得翻視覆屍而後得之時暑月已四日顏色如生

來氏譜

翁貞姑與妹良姑同避寇至漁後橋寇欲污之貞姑投水

寇復射之姊妹挽手而死

俞志

案此與前翁氏二女事相似唯橋名不同今並存

之

韓來氏蕭山韓時雍妻丙戌六月被掠氏瞋目曰予稱未

亾人二十年肯苟且向若輩偷生乎大罵赴水死

越殉義錄

蕭君梁妻徐氏抱幼子逃難遇兵殺子掠氏以刃加頸氏

兩手抱木不放眾攢箭射死之

俞志

黃氏於文桂妻當前明鼎革時孀姑及夫俱死氏年二十五抱幼子乞食遠鄉或迫之嫁矢志不辱撫子成立返

于故鄉年六十四卒

採訪

程氏來夢麟妾生一子十餘齡丙戌歲為游騎所掠氏傷痛無聊且懼不免因舟至白馬湖自沈而死

來氏譜

任氏二婦任元齡妻徐氏事舅姑以孝聞舅朝諍官衡陽佐元齡隨任朝諍以藩工獲譴有司逮之急時元齡未歸氏挺身就逮久之事解子二雲蛟順治丙戌舉人雷蛟縣學生雷蛟早卒妻史氏僅二十一歲無子善事耄

紹興府志

卷之六十六

人物志廿六

七

姑

邑志

陸氏庠生來儀之妻丙戌歲偕夫避兵湘湖夫至中途被刃七創幾斃遂相失氏攜其子婦徒步至石巖山見死傷橫道嘆曰百年此身豈可令鋒刃加于我遂挾其子婦沈于水婦以救得免而氏竟卒

來氏譜

楊氏來毓元妻丙戌歲夫被潰兵捉之荷擔氏以子身不肯同眾出避遂夫歸偕逃之蘆花墩其地四面皆水游騎過之見氏少艾欲掠之不可得遂隔岸叢射之氏以身蔽夫矢自背貫腹而斃

來氏譜

何氏庠生來冠朝妻丙戌朝外出未歸氏與女伴避兵二

僕利其貲而欺其皆女流也佯以寇至恐之氏嘆曰兵
亂孔亟勢必不免何必苟活須臾耶遂呼僕引至蘆花
墩相率赴水而死年二十三七日安葬面如生時同舟
而死者爲來逢盛妻黃氏年三十六來逢年妻俞氏年
三十九來冠倫妻任氏年十九來逢會女庠生周玉倫
之妻冠朝妹庠生沈驤之妻來裕之女小姑及婢小春
自縊張家村楊梅樹死者爲庠生來三錫妻王氏被刃
死者有登萊道來斯行妾張氏而進士集之妻楊氏者
爲諸生楊雲門女兒聞雲門殉義慟哭沈水死尤凜凜
也越殉義錄兼採來氏族譜 浙江通志來斯行妾張氏本山東東平州人父昌官千戶母王氏遭白蓮賊
亂不屈死時斯行任登萊道因鬻爲妾斯行死斷髮秉節丙戌遇兵湘湖欲汚之氏預縫衣帶堅不可解大罵被刃死

紹興府志

卷之六十六

人物志廿六

八

汪伯章妻朱氏三十而寡子廷元才九歲里豪利伯章產

喉同堂人謀奪朱志朱不爲動同堂人乃攘產獻于豪

朱力不能制挈廷元僦旁舍以居機杼聲永夜不輟如

是者六七年豪爲感愧盡反所攘產廷元長朱聘兒女

爲婦生子啟文三歲廷元卒朱痛不欲生婦截髮投于

棺誓奉姑以立孤相與居貧自力洎啟文生子而朱死

是爲順治十二年年六十四又三十年婦歿年七十六

表微錄

王師課繼妻朱氏朱東山女師課官前明太醫院院判忤
魏闖歸隱居長山之仙石巖是時年七十矣東山高其
行日相過從會師課喪耦以女妻焉生舜臣五年而師
課卒朱年二十四明亡兵亂朱攜舜臣及前室子舜齡
走避九里坳賊踪迹得之脅以刃朱奪刀劈面且哭且
罵賊欲殺之舜齡舜臣號慟求代得不死遁入深山中
亂平歸老于家康熙間知縣賈公國楨表其間有易子
歌五章傳世其三章云我生之後逢世亂白頭兵起蒼
黃竄膚血點染叢麻紅母子支離宵不旦飛蠱雷聚驚
鼓輦秋雨淋漓斷薪爨嗚呼九里坳邊真瓦全爾曹性

紹興府志

卷之六十六

人物志廿六

九

命天所憐五章云庭闈肅潔辭親族薄田聊許資餽粥
震盪扁舟波復風兒才卻聘家回祿此身直緣正氣生
機杼猶能活枵腹嗚呼但願長作太平民何當俯仰慙
天人讀之猶有生氣也

表微錄

沈萬裕妻王氏山陰人萬裕早失恃弟萬顯繼母出也王
來歸不能得姑歡奉事慄慄萬裕卒王年未三十子士
昌尙在襁褓姑虐視之舅矜其志授薄田數畝命別居
姑利其田百方諷他醮不從乃陰儲犬子胞衣伺閒擲
王室而佯出之詫曰寡婦閨何乃有此強之嫁或語王
當以死自明泣曰未亡人誠不愛死顧死則孤必不得

生而夫祀且絕且姑亦豈忍出此此齷齪物必有所自
來尙有天理事當終白吾死又誰吾白也受其胞藏之
而盡婦職愈謹亾何舅卒萬顯許告前事以讓田知縣
姚公仁昌賢明吏也驗偽胞鞠實杖萬顯而表王氏之
間久之萬顯死其子士華窮蹙無所歸王收養之爲娶
婦焉今萬裕之後獨昌

表微錄

沈廷宗妻朱氏事舅姑以孝名廷宗死朱年少有議婚者
夫兄利其聘強令改適朱不從夫兄陰與媒氏謀夜闖
入朱室挾之出朱堅抱庭柱大慟白梮交下兩手重創
血淋漓柱間夫兄不能奪於是設諸難端以窘侮之朱

紹興府志

卷之六十六

人物志廿六

十

委曲承受終完其節

表微錄

富時異妻徐氏婚甫四十日夫死將葬氏乞于姑營雙穴

不允遂自經于墓側事在康熙三年

毛萬齡撰徐節婦傳縣志作順治

十七年
富作傳

沃氏諸生胡先春妻明崇禎間先春父其廉由長樂簿陞
富順丞以道遠僅挈子先春以行時羣盜四起家郵隔
絕沃謹事其姑任氏孝聞族里課其子肇新祿安成立
康熙七年祿安至蜀遇富順舊役乃得其父祖殉難狀
遍訪遺骨不得乃匍匐歸告諸母母一慟幾絕病十七
年而卒葬于湘湖之青山繪爲孤墳圖康熙三十一年

德清徐倬爲記

邑志

任氏任廷樞女聞父母議婚輒潛然涕泣以爲不能侍膝下也父母俱享年七十餘物故時氏年已四十六矣矢志守貞至七十二歲無疾而卒

採訪

翁大捷妻王氏年十七歸大捷閱三月而大捷客死有勸其再適者拒不與言康熙壬戌夫柩歸里撫棺哭曰吾不敢自盡者因柩未歸耳今可以同穴矣是夜遂縫衣履赴水死

俞志

來可望妻張氏年二十九寡撫孤天度天度繼室華氏未久而天度又死華年二十一無子踰年姑死家益落疊

紹興府志

卷之六十六

人物志廿六

十一

列女三

營喪葬或終日不舉火堂叔月助以米氏曰苦命婦早得從九泉幸矣何苟延旦夕爲守節三十餘年繼堂叔子爲後張卒年六十華卒年五十八

來氏家譜

前山烈女山在十四都九都之界山麓有池池邊有墓相傳康熙十三年秋有烈女不知姓氏爲亂兵掠次山下躍池自盡土人見裳衣密縫顏色如生尙未開面知爲閨女憐而葬之按前山不知何名舊志無攷

邑志

王氏二節王琰妻任氏王珪妻蔡氏並青年守志貧而益堅其先世王茂生妻張氏明末兵亂殉節姚家潭貞節家風再世相繼云

邑志

魯良驥妻金氏甲辰良驥赴試卒于京上無舅姑下鮮子
姪依母兄守節藉奩產資生未幾母兄相繼歿嫂欲奪
其志氏曰吾志不改何忍使魯氏鬼餒也撥田數畝爲
公祀產而苦守愈堅

邑志

吳燦妻蔡氏撫遺孤泣血幾至喪明朝夕懸像于室焚香

供茗與姑陳氏皆以節孝稱年八旬

縣志

王氏二節王鴻京妻蔡氏姑髦子幼養鞠辛勤子立朝娶
蔡氏夫早亡蔡與孀姑相依姑病不解衣帶者數月姑
卒樞停中堂隣火將及撫棺大哭願以身殉倏風迴火
滅

邑志

紹興府志

卷之六十六

人物志廿六

三

韓氏陶文彪妻文彪爲河員亡于旅舍家人未之知也氏

夜夢夫從外來爲經紀家事復泣語氏曰吾有三子一
女未婚嫁累汝氏驚寤憂其不祥越數日凶問至其後
婚嫁畢詔子女前曰爾父死吾不卽從者以爾輩幼也
今吾幸不負夢中語吾可死矣遂以微疾卒

陶氏家譜

來周臣妻韓氏年二十五寡無子繼從姪爲後嘗劬筍竹
林猝遇强者氏怒喊不敢干遺溷地畝餘歲種木棉自
資食不足操作以濟久之積錢若干欲以貽女夫從兄
謀阻之死于水

來氏家譜

張煥祥女二姑受來思憲之聘未婚而思憲歿張氏痛哭

欲往視殮父母力阻之遂洗粧淡服聞有媒妁則涕泣不食鬱邑年餘病劇謂父母曰死必與婿同穴父母舅姑不違其志爲合葬焉

來氏家譜

趙氏諸生來叔昭妻二十七而寡遺二女一子未幾子殤

莫爲之後者趙長其二女歸士族爲夫營葬守節五十

六年曉夜力作不以毫釐貸于人

表微錄

韓氏來宗瑛妻夫死家貧莫爲之嗣鞠遺腹女歷十七年

女殤韓乃仰天號曰吾終無以慰吾夫矣中夜自經死

年四十二韓旣死來氏皆愍其志因議置宗瑛後爲韓

發喪如禮

表微錄

紹興府志

卷之六十六

人物志廿六

三

孫四祿妻王氏生二女長曰關姑次曰美姑四祿家計日

落遂至蕩檢氏恥之不食其粟自勤紡績易米奉姑夫

後逼氏爲失節事氏誓不欲生夜半母女牽衣同赴蘇

潭死康熙三十年郡守李以聞

邑志

徐氏庠生陸道見妻夫凶瘠田數畝僅供餽粥族人無厲

利其產孤每出必與之食故爲撫摩一日誘孤至柳巷

刃之忽後呼殺人者止廻視則黃衣道貌者也因棄刃

竄去孤傷左頰血叢面仆地黃衣出囊藥拭塗之扶孤

扣母門曰此子非我不活然宜早爲之所母急訊故轉

瞬不知所之于是僦居母家母子相依不失左右自寒

食展墓外足不出戶其後子長復故居恢先業爲東門

水亭巨族

毛奇齡撰傳

汪志聖妻朱氏二十三夫卒孤未周晬舅姑皆老朱勤紡績兼藝蔬瓜以易衣食執苦終其身年六十而卒初病時其子欲爲寫真曰吾癯也雖老何可與畫工相對乎

表微

錄

汪沛然妻沈氏沛然娶妻一月而父沒母年未四十有弟三人穉者才四歲沈護視之寢食必偕數年沛然卒二孤皆幼其父欲他婚曰吾姑方孀居撫孤吾去誰撫吾孤者矢志不二康熙間卒守節四十五年

表微錄

紹興府志

卷之六十六

人物志廿六列女三

古

汪文龍妻高氏二十五而寡生遺腹子厲志鞠育鍼黹日夕不釋手居室雖隘外人罕見之者

表微錄

汪之璘妻章氏年十九歸之璘已病又二年大劇執章手曰親老子才四月家貧而汝年少奈何章涕泣不能答之璘死父母微諷之對曰郎死時兒已心許之不可昧也值歲凶盡典賣所有以奉菽水

表微錄

汪元士妻何氏元士疾不治語何曰吾無子服除好自爲計何應之曰萬一爲寡婦豈尙有除服時耶元士死父母謀嫁他族何涕泣曰生諾之死負之鬼神有知終不福遂絕食父母不敢強何繼族子爲元士後終身縞素

如居喪

表微錄

汪廷嘉妻徐氏年二十四寡無子夫兄一子名元鉉徐愛

如已出元鉉已娶徐告于宗老別授一室爲已婦族黨

愍其志許之生一子徐撫爲孫

表微錄

汪學山繼妻沈氏嫁四年而寡子方三歲日不再炊冬不

重緼曰吾兒弱遺以子錢則兒苦死殄夫祀矣前室王

無所出而沈遇其黨極有恩禮

表微錄

丁嘉路妻王氏山陰人嫁五年夫亾孤生三歲嘉路遺田

一畝食不足操作以濟歲祲至數日一舉火或勸棄田

曰留此與兒以志先澤

表微錄

紹興府志

卷之六十六

人物志廿六

五

丁我林妻徐氏山陰人我林業樹棉花結舍北海塘外康

熙五十八年秋潮溢溺死徐方免身遵海濱求屍不得

欲自沉姑泣諭之輟哭受命終其姑養葬鞠子娶婦已

生孫矣而相繼夭殤徐竟窮餓以死

表微錄

來道變妻曹氏夫亾踰月生男初舅出道燮于外而自與

妾子同處至是或爲曹計可就食于舅曹不聽晝夜織

紵以鞠孤往往炊火不續姻黨或調之不受曰無以爲

舅地也居數年舅爲感悟稍稍恤焉

表微錄

舉人來孫謀妾羅氏崑山人年二十六孫謀與嫡妻先後

死羅子紹焄方九歲嫡子更穉羅矢志不嫁撫嫡子及

紹焞甚慈而教之以友愛凡衣食動止必使紹焞下于嫡子歷二十三年而卒紹焞縣學生

表微錄

丁方侯妻李氏山陰人年二十八寡母念其子幼數數省問饋遺不時至李謝止之曰撫孤女分耳重煩吾母恐無識者疑母女有他圖也至老言笑必謹子維翰

表微錄

鄭約禮妻曹氏約禮卒二孤皆幼事姑極孝每進食姑以飼其子曹輒引去曰兒節老人食將損兒福教子不姑

表微錄

丁汝英妻汪氏少寡鞠穉孤未幾而殤織作一小樓中布成匹則囑隣媪貿錢以易米不輕出口限甚病不藥曰

紹興府志

卷之六十六

人物志廿六

夫

吾恨不早死特不敢死非命耳卒年七十八

表微錄

王雲鵬妻來氏雲鵬早失父母無兄弟家素窶來年二十四寡莫爲繼者獨居十餘年慶弔不預族人賢之有族子樂爲之後以養以娶皆出手指間厥後子天婦更嫁孫方離襁褓來又力貧撫之故居燬于火轉徙困頓歷六十餘年而卒

表微錄

韓思道妻陳氏思道病劇罄篋中收治之不瘳遺孤又多病廢產以療產盡而殤朝夕無以給其母勸他儷不可間爲隣家澣滌藥舂得薄少市木棉花紡績自給終不

句潤親黨

表微錄

瞿學山妻蔣氏諸暨人嫁六年生三子而學山卒兄弟邀歸寧弗許曰遠道還往非寡婦所宜也表微錄

周禧生妻戴氏年十九適周世務農業七年而寡遺一子宏仁宏義宏仁素羸弱氏求兄女爲配未幾宏仁病久不愈兄悔之女志不可乃歸逾二年宏仁卒婦欲從死姑防之密且慰之曰他日叔有子爲爾嗣婦從姑誓守宏義娶黃氏舉一子名琳爲伯氏後又逾年舉一子名琦未幾宏義又卒及姑病兩婦侍湯藥無怠姑卒姊姒相守成立二子亦以孝友相勗黃先卒守節三十七年戴孀居六十年採訪

紹興府志

卷之六十六 人物志廿六

七

沈貞女山陰人許字蕭山周廣如廣如未娶而殤女年十九請于母至周氏哭臨誓不適人姑前逝舅不能容乃還依于母而常以箴管之入市鮮脆遺其舅表微錄

金貞女許字樓瓚瓚少孤母俞氏年二十餘厲節長之聘女時瓚年十二明年女父母相繼歿俞逐女同居又二年將合卺而瓚殤女年十四兄嫂欲迎之歸女不可曰姑以我無父母憐我今姑且無子我何忍棄姑去且我已歸樓氏亦義不可還厥後親黨多勸之嫁俞以女未婚亦勸之女卒不爲動與俞力作以養久之繼族子惠均後瓚及年五十方歸省兄嫂拜父母墓下表微錄